

Ilulissat ulloq 09. Januar 2015

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqquut imaattoq saqqummiuppara.

**Naalackersuisunut apeqquut:**

1. **Qilalukkat qaortat ukiumut agguaqatigiisillugu aalisakkanik qanoq amerlatigisunik nerisaqartarpat ? aamma aalisakkat sorliit taakkunanga nerisarineqarneruppat ?**
2. **Qilalukkat qernertat ukiumut agguaqatigiisillugu aalisakkanik qanoq amerlatigisunik nerisaqartarpat ?**
3. **Ilisimaneqarnerluni qilalukkat qaortat qernertallu qanoq amerlatigisut sinerissatta qanittua aqutigisarneraat, imaluunniit taakku ilaat sinerissap qanittuaniiginnartartut qanoq amerlatiginersut ?**
4. **qilalukkanik qaortanik qinertanillu killilersuinerup kingunerisaanik, minnerunngitsumillu nunatta avannarpasissortaani ukiukkut sassisoqartarunnaanerata, aammalu qujanartumik qilalukkanik unguisilluni piniartarnerup taamaatinneqarnerata kingunerisaanik qilalukkat qanoq amerleriartigisimanersut ilisimaneqarnerluni ?**
5. **Puisit assigiinngitsut ukiumut agguaqatigiisillugu aalisakkanik qanoq amerlatigisunik nerisaqartarpat ?**

(Inatsisartunut Ilaasortaq Anthon Frederiksen, Partii Naleraq)

**Tungavilersuut:**

Naluneqanngitsutut aalisarneq inuussutissarsiutit pingaarnersaraat aamma naluneqanngilaq piniakkat qulaani taaneqartut aalisagarparujussuarnik nerisaqartartut, taamaalillutillu aalisartunut “unammillertorujussuusutut” oqaatigineqarsinnaallutik.

Taamaammat Partii Naleqqamiit assut soqutigaarput paasissallugu apeqquutit qulaani ujartorneqartut pisortatigoortumik qanoq ilisimasaqarfineqartiginersut.

Nalunngilarput ukiuni siusinnerusuni, pingaartumik 1980-ikkunni taakkulumi siuliini ukiukkut avannaani imaq sikusarallarmat sassinermi ataatsimi ilaannikkut qilalukkat 100-jut arlallit pisarineqartartut, taamatut aamma avannaani qilalukkanik unguisilluni

piniartoqartarallarmat aamma qilalukkat ullormut aamma ilaannikkooriarluni 100-jut arlallit pisarineqartarsimasut.

Maannakkut qujanartumik qilalukkanik unqusilluni piniarneq inerteqqutaavoq aammalu ukiukkat sassisarneq nalinginnaajunnaarsimalluni ilami allaat sassisoqassaavissimavoq. taamaattumillu takorloorneqarsinnaavoq ukiut kingulliit 30-it ingerlanerini qilalukkat amerleriarujussuarsimanissaat, aammami piniartut oqaluttuarterneri malillugit taamaappoq.

Taamaammatt Partii Naleqqamiit suleriaqqinnissatsinni paasissutissat qulaani taagorneqartut sapinngisamik ullut suliffiit qulit qaangiutinnginnerini akissuteqarfigineqarnissarput piumasaraarput.